

2. D. B. V.
DISSERTATIO INAUGURALIS
DE

PROBATIONE FEUDALI,

Quam
EX DECRETO MAGNIFICI ICTORUM ORDINIS
IN ACADEMIA VIADRINA,
PRÆSIDE

DN. HENRICO COCCEJO,

ICTOFAMIGERATISSIMO,
SERENISSIMI AC POTENTISSIMI ELECTORIS BRAN-
DENBURGICI CONSILIARIO, FACULTATIS JURIDICÆ
ORDINARIO & PROF. PRIMARIO,

Antea
SUMMI CONSILII STATUS ELECTORALIS PALA-
TINI, ET COLLEGII REVISORII ASSESSORE, IN ALMA
HEIDELBERGENSI DECRETAL. PANDECT. & JURIS
GENT. P. P. ORDIN. MERITISSIMO,

Domino Mecenate & Promotore suo summè devenerando,

PRO LICENTIA

SUMMOS IN UTROQUE JURE HONORES AC IMMU-
NITATES RITE OBTINENDI,

Publicæ ventilationi submittit

In Auditorio Ictorum

AUGUSTUS BERNHARD BRUNNER,

Hall. Magdeb.

Ad D. XXVII. April Anno Christi M DC XCVI.

Horis ante & pomeridianis.

FRANCOF. ad VIADR. Literis CHRISTOPH. ZEITLERI.



CAPUT I.

De

PROBATIONE IN GENERE.

SUMMARIA.

S. 1. *Non jus, sed factum in judicio probandum est, & quæ olim apud Romanos fuerit ratio tractandi lites. 2. Advocatus non minus quam judex debet esse jurisperitus. 3. Materia probationum ac præsumptionum à Mascârdo & Menochio alijsq; nondum est exhausta. 4. Transitus ad probationem Feudalem. 5. Idem ferè est hodie modus probandi in feudilibus, qui est de Jure communi. 6. Quid. 7. Quotuplex sit probatio?*

S. I.

In judiciis non minus de facto, quàm de jure ejusque probatione quæritur, & de facto quidem longè operosius, quin propè unice: Jus enim, siquidem genuinus ejus usus nec corruptus sit, finitum certumque ac judici notum est; ac facta ut infinita, ita incerta & inprimis probanda sunt. *l. 2. ff. de jur. & fact. ignorant.* In eo omnis litium labor ac difficultas vertitur, totaque judiciorum ratio absolvitur, ut factum quod proponitur appareat.

A

ac

ac probetur. Hinc summæ prudentiæ utilitatisq; insignis fuit mos ille majorum apud Romanos magistratum, qui quod facile erat sibi reservabant, scilicet ut apud ipsos de jure saltem quæreretur, & cum actor causam narrasset, Reusq; respondisset, & Prætor quæ de re videbantur interrogasset, hic jus aliquod, quatenus Reus negaverat, definiret, indeq; ea omnia & interrogationes in jure fieri dicebantur. At quod in factis illo negatum à Reo probandumque, atq; adeo difficillimum molestissimumq; erat, judici pedaneo expedirendum delegabant, ut coram eo facti negati probationes exigerentur. Hinc formula illa vetus: *SI APPARET DARE FACERE OPORTERE*, (sen quod idem, si probabitur factum quod actor proposuit. Reus negavit) *CONDEMNARE JUDEX*.

§. II. In factis itaq; omne & tuendæ & decidendæ causæ opus artificiumq; positum, idq; summum est; Cum enim secundum ea quæ proponuntur, seu ex facti specie jus dicatur, omnis totaq; juris peritia requiritur, ut probè intelligat discernatq; Patronus, quæ facti circumstantiæ momentum ad victoriam causamq; afferant, quæ eam destruant; ne perperam vel positæ vel omisæ tum sibi noceant, tum prosint adversario, ut adeo in patrono causæ, si non major, cerrè nec minor quàm in judice ipso juris peritia necessaria sit, etsi nil nisi factum, non jus proposuerit.

§. III. Facti itaq; de quo acturi nunc sumus, probatio, prout est naturæ juribus derivatur, facile percipitur, & in Jure Romano quoq; paucis regulis absolvitur. At verò, ex quo præcis juris principiis, non quibuscunq; sed solidis, indices Doctorumq; scrinia compilandi studium invasit Jurisprudentiam, quàm in infinitum

finitum excrevit hæc sola materia? Quæ moles, quantum opus probationum, quod Mascardus; & præsumptionum, quod Menochius & alii, doctissimi equidem Cri, collegerunt? Et tamen (pace tantorum virorum dicere licebit quodq; res est quodq; quotidie experientiâ probat) quantumcunq; est, quod summâ diligentiâ conscriptum tractatumq; apud eos invenitur, tantum abest, ut exhaustæ ab iis sint hæ materiae, ut si scripta hæc cum iis quæ adhuc omissa & infinita sunt, comparentur, parum scripsisse dicendi sint: cum constet facta hæc casusq; quos colligunt, in infinitum variare.

§. IV. Nostri nunc instituti non est id aggredi, sed particulam saltem Feudis propriam inde delibare, & loco discursus inauguralis uberius exponere; nec id tamen nisi pro Disputationis & temporis modulo.

§. V. Satis verò perspectum omnibus est, quicquid jure Feudali decisum non est, id ex jure communi definiendum esse; quod tum ipse Feudista docet *2. F. l. in fin. princ.* tum aliàs vulgatum tritumq; est ex *l. 27. Cod. de Testam. § l. 23. §. fin. Cod. de Appell.* Id verò potissimum accidit in nostra quoq; materia; cum usu præsertim hodierno idem sit modus probandi jure communi ac Feudali, nisi specialiter mutatum quid fuerit.

§. VI. Ex jure itaq; communi hauriendum quoque est, quid & quotuplex probatio sit. Probare scilicet est judici fidem veri facere *Clem. 4. de Elect. l. 13. C. ad Sci. Vellej.* Neq; tamen id agitur ut judici saltem, sed ut omnibus veritas constet; verum an tale sit, judex cognoscit; & hoc sensu judici probatio fieri dicitur. *l. 12. in fin. ff. de probat.*

§ VII. Fit itaq; probatio per argumenta vel certa vel probabilia, illa probatio, hæc præsumptio dicitur *rubric. ff. de probat. & præsumpt.* Argumenta distinguunt in naturalia, ut sunt testes, instrumenta, partis confessio; & artificialia. cum ex alio probato aliud arte ratiocinandi inferitur. Imperfecta probatio vim probationis non habet, sed præsumptionis; Usuramen semiplena quoq; probatio inducta & ordin crim confirmata est, ut jurejur. partis suppleri possit & ad torturam sufficiat, *d. Ordin. Crimin. artic. 23. & 30* Contra, præsumptiones quoq; quædam vim semiplenæ probationis habent, quædam & plenæ. *l. 19. Cod. de R. V.*

CAPUT II.

De

PROBATIONE PER PUGNAM.

SUMMARIA.

§. 1. **A**pprobatus hic modus probandi fuit per constitutiones Imperatorias. 2. Dictum est Dei judicium. 3. Reseruntur solennia pugne & cur dicatur Campus? 4. Fuit quasi Remedium ordinarium, dictumq; das Gaust Recht/Kampfs oder Kolben-Gericht. 5. Poterat quoq; per alium suscipi. 6. Unde originem traxerit? 7. Damnatum est Jure Can & Legibus Imperii. 8. Non fuit judicium Dei, sed tentatio. 9. & 10. Removetur ratio Speculi Svecici pro duello. 11. Neq; juris est neq; Fortitudinis seu virtutis.

§. I.

Hæc igitur aliaq; quæ juris communis sunt, mittimus & ad modos juris feudalis properantes; primum de probatione feudali per pugnam seu duellum agemus. Nam hæc plus quàm ferina & ab omni

omni humanitate, nedum à Christianis moribus abhorrens probandi juris ratio adeò apud majores nostros invaluerat, ut nec ad vitæ cultum & mansuetudinem traducti, nec ad Christiana sacra conversi abolere & exuere nefandum hunc morem potuerint, adeò ut ipse Fridericus I. Imper. Maximus & Christianissimus, in 2. F. 27. constituerit, occisorem capite puniri, nisi per duellum probare possit, quod vitam suam defendendo illum occidit. Et Henricus II. (ut quidem dicitur, nisi pro secundus legendum sextus modica mutatione) in libr. 5. F. const. 2. ut felonix ab aliquo Parium postulatus per pugnam se defendat edicit.

§. II. Et adeò quidem fascinati sunt hujus moris studio, accedente quoque superstitione, ut hunc modum Dei judicium perpetuò ferè dixerint, ita enim in Legib. Bajuv. tit. 2. cap. 1. §. 2. Si unus fuerit testis & alter negaverit, tunc DEI accipiant judicium: exeant in campo, & cui Deus dederit victoriam, illi credatur. Gemina sunt tit. 11. cap. 5. in fin. Tunc spondeant invicem wehadinc, quod dicimus, & in campiones non sortiantur, sed cui Deus dederit fortiam & victoriam, ad ipsius partem designata pars ut queritur pertineat. Quin tit. 16. cap. 1. §. 2. hæc formula præscribitur læso: Sponde mihi pugnam duorum & manifestet Deus &c. Et tit. 17. cap. 2. Respondeat: pugna duorum & ad Dei pertineat judicium. Hinc duplex fecere probationis judicium; humanum per testes, Divinum per duellum. Cujac. lib. 5. F. const. 9. Ita notabilia & in speciem pia quoque videntur quæ dicuntur in Spec. Svec. lib. 1. cap. 167. §. 2. Das ist davon/ daß es nyeman gesehen hat/ davon muß man das Gericht an Gott lassen/ davon ist Kampff gesetzt/ wann was die Leute nicht sehend/ das weiß doch Gott der Allmächtige

tige wol: Davon sollen wir Gdt getruwen/ daß Er den Kampff nun nach Recht schende.

§. III. Neq; perfunctoriè res acta, sed plurimæ & accuratæ in idleges factæ, prolizi scrupuloliq; ritus additi, formulæ constitutæ, sacra quoq; adhibita, precesq; pro victoria iusti, pugna in iudicio petita & præsentipopulo publicè solennissimèq; inita, atq; à campo ubi fiebat, pugna hæc campus, pugnator campio vel camphio dicebatur, unde voces Kampff/ Kämpf/ fer/ vel Kamp/ Kämpfer/ à Campo voce Romana ductæ, non Germanicæ videntur: quemadmodum injustissimum hoc jus prolixè descriptum definitumq; est in jure Sæv. Schwaben Spiegel/ *lib. 1. cap. 170. & seq. usq; ad cap. 176.* Item in Legib. Bajuvar. *tit. 2. cap. 1. §. 2. tit. 11. cap. 5. & 6. tit. 12. cap. 8. & cap. 9. §. 2. tit. 16. cap. 1. §. 2. cap. 23. & ult.* Et ita in legibus antiquis Anglorum, Saxonum, Longobardorum & Salicis passim. Add. Lindebrog. Gloss. voc. *Campus, campio, Dei iudicium*, ubi allegat legem Canuri, dat he ga to Godes ordale; ut ad Dei iudicium remittatur.

§. IV. Fuit itaq; quasi remedium juris ordinarium pugna duorum unde jemand kämpffl. ansprechen; Spec. Sæv. *lib. 1. cap. 175.* & in singulis fere judiciis Provincialibus, peculiaria duellorum statuta ac privilegia fuere, dictumq; das Faust-Recht/ Kampff/ oder Kolben-Gericht; uti adhuc prolixè extat, Ordnung des Kampffs oder Kolben-Gerichts des Burggraffthums zu Nürnberg/apud Goldast. Reichs. Sazungen *part. 2. fol. 85. ad ann. 1410.* ubi libello actoris infera formula: Laugen er ihme aber des/ so wolle er ihme das beweisen mit seinem Kolben auff seinen Keyff nach Kampffs Recht. *Art. Ord. §. 4.* citatusque fuit Reus ad pugnam, kämpf/

kämpfflich) Fürbeth/ & si ter citatus non compareret, vel condemnatus tuit in die Kämpff: Adyt/ vel actor pro victore declaratus, uti alias in causa contumaciæ. *d. Ordin. §. 19. & seqq.*

§. V. Nec tantum pars ipsa pugnare poterat, sed & alium quandoq; pro se Championem seu pugnatorem dare, quod interdum necessarium tuit, uti si quis claudus, atq; ad pugnam inhabilis, *Spec. Svec. dict. lib. 1. cap. 174.* vel alteri cognatus) cognatorum enim impediebantur conflictus. *Spec. Svec. d. l. c. 170.*) vel conditione impari, sein Kämpffs Genoss/ esset. *Spec. Svec. d. l. cap. 51.* Aderant quoq; qui pugnae adisterent, eamq; regerent, Warner/ Lufner/ Grieswertel/ & quidem juramento solenni adstricti *d. Ordin. §. 59. & pass. Specul. Svec. d. d. l. l.* Tanta erat impii hujus remedii cura, fiducia ac religio.

§. VI. Quod si cui mirum videatur, populam & vera fortitudine & animi integritate tam insignem & apud ipsos quoq; Romanos illustrem, adeo infando huic mori indulgisse, memoriâ repetat deplorandam istam temporum infelicitatem & miserrimam hominû conditionem; cum exceptâ Asiâ, justissimâ Numinis irâ, in orbem terrarum sparsi, ferarum more palantes, Dei justitiæq; ignari ac rudes; belluinis magis quam humanis ritibus viverent, & vi ac cadibus in se invicem grassarentur, ut graphicè rem depingunt *Cic. Rhetor. lib. 1. circ. princip. item Orat. pro P. Sext. post. med. Horat. de art. Poet. prop. fin.* quæ lues ut in primis Europam, ipsamque ante Herculeæ tempora Græciam, diutiusq; Italiam pervaserit, longissimè verò in Septentrionalibus ac Scytharum (in quibus & aliis terrarum partibus extremis) hodieq; ea hominum feritas & belluina viven-

di

di ratio durat) populis stererit, exposuit Magnif. Dn. Præses in *Orat. de Orig. jur. Europ.* Hæc igitur causa est, ut quæ adeò infederat atque inveteraverat in harum gentiū animis, vi ferinâ agendi consuetudinem ac pestem, nec politioris deinde vitæ cultus ac humanitas expugnare, nec ipsa mirisima Christianismi doctrina eluere primùm potuerit: quin tantum abest ut ad Christianam fidem conversio errorem hunc correxerit, ut potius temporum istorum superstitio, in quam abierat propè Christiana religio, & solidiorum literarum penuriâ inducta barbaries, fucata fortitudinis specie & intempestivo Divinæ Providentiæ prætextu firmaverit.

§. VII. Primùm itaq; Canones malo huic (quod semper abominati sunt *c. 22. caus. 2. qv. 5.*) remedium attulere, & improbata penitus atq; ad vulgares illicitasq; purgationes (quales sunt ferri candentis, aquæ ferventis vel frigidæ & *c. 7. c. 20. caus. 2. qv. 20.*) rejecta sunt duella in *cap. 1. cap. 2. X. de purg. vulg.* ubi casus fuit, *quo furti postulatus in pugna occubuit & postea tamen innocens ac res furtiva apud alios inventa fuit.* Sed majori vi opus fuit, ad expellendum hoc malum, quod adeò ad superstitionem usq; invaluerat: & Imperatores optimi, cum autoritas ipsorum monstro huic subigendo non sufficeret, fœdere cum præcipuis Statibus inito sensim aggressi illud sunt, eamq; in rem inter alia famosissimum illud fœdus Svevicum Schwabenbund An. 1487. initio in octo, deinde in tres annos compositum, & sæpè deinde renovatum fuit. *Sleid. de Stat. Relig. lib. 4. in fin.* ut adeò sensim efferatibimores assvescerent humanitati ac justitiæ: atq; ita tandem à Maximiliano I. An. 1495. pax publica der Königl. Landfried omni-

omnium consensu in comitiis Imperii sancita, atq; ad eam imprimis tuendam iudicium Imperiale Camera una institutum, mox & Regimentum Imperii paci rebusq; Imperii exeqvendis erectum fuerit. vid. *Recess. Imper. de An. 1495. 1500. & seqq.*

§. VIII. Agnitum tunc demum fuit, non esse hoc DEI iudicium, sed DEI tentationem, ut dicitur *d. c. fin. X. de purg. vulg. & d. c. 7. caus. 2. qv. 5.* & vera homicidia publicè probata, adeoq; & sanguinem hunc publicè luendum: cum nec ullò indicio appareret. Deum pugnae eventu decisurum lites hominum, & eventus saepe falleret, innocentesque caderent, ut in *d. c. 2. de purg. vulg.*

§. IX. Et sanè vanum frivolumq; est, quod tam speciosè affert *Spec. Suvv. d. cap. 167. §. 2.* & allegatum est *supr. thes. 2.* delicta occulta cum per homines apparere non possint, idèò Dei iudicio committenda esse. Nam hoc planè concedimus committi ea debere Dei iudicio: sed an Dei iudicium sit pugna talis privata ac homicidium; & num Deus hòc indicio, quia alterum quis pugna occidit, ejus causam justiore haberi velit. id verò quæritur. & asseri impium est. Quòd si alea eventusq; dubio iudicium Dei explorandum est, cur magis pugnae, quàm vita hominis in discrimen mittitur, quàm talorum & tesserarum alea? Per hanc enim & minori periculo, & absq; homicidii nota de causa & jure statueretur; essetq; in alea utriq; partium æqua fors & conditio, cum pugnae eventus à viribus corporis peritiaque pugnandi magis dependeat.

§. X. Longè aliter verò lex naturæ se habet, quam & jus Romanum sequitur; sc. ut nemo damnari possit nisi criminis manifestus; nec iudex plestere,

nisi ei appareat probatumq; crimen sit. Si itaq; Reus convictus plenè non sit, iudicis humani partes sunt absolvere Reum; satiusq; est fontem quoque absolvere, quàm infontem damnare. Lege ergo Romanà & naturali verè demum res cõmittitur Dei iudicio, cùm jubetur cessare humanum. Concessit rerum Arbiter humanæ potestati iudicia, sed intra humanū modum; ut iudicent quod sciunt, non quod nesciunt; Excedunt itaque fines humani iudicii, & involant in jus Dei, qui de occultis & non apparentib9 iudicium sibi arrogant. Nam & qui scelestissimum latronem absolvit non probatō crimine, non modò securus est, sed nec aliter securus.

§. XI. Sed & inprimis negandum est, in talī pugna speciem fortitudinis ullam esse; & ferociam istam, quam talis pugnator præ se fert, nihil minùs quàm fortitudinem, nihilq; magis à virtute remotum esse. Hoc penitus apparebit, si consideremus, virtutes & vitia sæpè materià ipsà prorsus convenire, & summis virtutibus simile esse, quod summum flagitium est, & tale manet: Ita nihil gloriosius est eā constantiā animi, quā fœmina quoq; *Ligus*, cùm filium prodere per cruciatus cogenda esset, *latere*, dixit, *nec ullis tortoribus aut morte constantiam vocis egregiè mutavit*, ut ait *Tacit. lib. 2. Hist. cap. 13.* & quā gloriosissimi Martyres orthodoxi per ultima tormenta pro veritate mortem pertulère: at eadem constantia sæpè est perditissimorum hominum, qui in summis flagitiis sæpè animum corpusque in tormenta durant. *l. 18. §. 1. de ff. Question.* Sic magna gloria & heroum fuit, depugnâsse cum bestis; & idem summa & enormior infamia, si operâ ad id locatâ quis depugnaret *l. 1. §. 6. ff. de post.* Sic laudibus me-

ritò

ritò in cœli tolluntur Decii, aliiq; qui pro patria in pericula morte mq; ultro ruerunt; at idemne faciunt fures & latrones nequissimi, qui pari quin majori audaciâ in pericula ruunt? & sic in aliis innumeris. Verùm hæc ut ut similia sint, at plurimum interest: alterum à virtute & animi magnitudine est; alterum à vitio, duratâ animi malitiâ, & vilitate: unde illud in mediis periculis ac malis conjunctū est cū animi tranquillitate, quin gaudio quoque & lætitia, quam & facti pulchritudo, & conscientia recti, & præmii fiducia ac gloria conciliant; hoc contrâ cum torminibus animi intimatorumq; sensuum: omni enim felicitatis spe rectiq; conscientia destituti, sentiunt (nec possunt non sentire) inter pericula tortores suos, metum, eventûs sinistri sollicitudinem indeque angores, curas, quæ animum coquunt atque conturbant: & quicquid disimulent, aut si trepidare non videantur, non ea mentis alacritas est, animusq; pacatus, compositus, contentusque, sed perturbatus, vel desperatione malitiâq; duratus, indeq; torpor ac stupor, in quo tamen omni trepidatione acrior mali sensus est: denique alterum egregium, præclarissimum, & heroicæ fortitudinis; alterum vilissimum, infamissimum, & prædonum commune est. Atque hoc idem interest inter eum qui interritus pro patria jure pugnat, & eum qui duellô privatô: illud fortium virorum, hoc furum gladiatorumq; audacia est. Sed hæc, etsi prolixius fortè quàm par est, ideo tradidimus, ut constet, quàm hic modus ad eò olim laudatus, indignus sit viris generosis, quàm remotus à vera magnitudine animi, & quàm non Dei judicium.

CAPUT III.

De

PROBATIONE PER INSTRUMENTA.

SUMMARIA.

§. 1. *V*ocatur instrumentum vulgò breve testatum; Breve quid sit? 2. Unde derivetur? 3. Cur dicatur testatum? 4. Debet esse ritè seu testatò confectum. 5. Quales adhibendi sint testes? 6. Explicatur text. in 2. F. 32. 7. Conciliatur cum text. in 2. F. 2. 8. Hodienum necessarium est, ut breve testatum subscribatur à paribus Curiae? 9. Except. si Dominus subscripserit, vel sigillò publicò signaverit. 10. Quando plures sunt Domini, Senioris plerumq; apponitur sigillum. 11. Qu. an scriptura ad perfectionem investituræ requiratur? 12. Dominus vasallo instrumentū investituræ, & hic illi antapocham denegare non potest. 13. Quando plura de eodem feudo investiturarum extant instrumenta antiquioribus credendum est.

§. I.

Proscriptio igitur pulsioque procul à sacris Justitiæ feudorumq; aditis infamihoc probandi modò, altera sequitur probationis feudalis species per instrumentum. Hoc vulgò vocatur *Breve testatum*, ut 1. F. 2. §. 1. & 1. F. 3. & 4. in pr. 2. F. 32. 88. Breves enim & Brevia utroq; genere, idem sunt quod literæ seu tabulæ, Græcis *πίπλιν*, id est tabellæ; quemadmodum eas interpretatur Æl. Lamprid. in Alex. Sev. cap. 21. *Milites suos sic ubiq; scivit, ut in cubiculo haberet breves, & numerum & tempora militantium, &c.* Et mox id ita exponit, *perlegebat cuncta pittacia*. Vopisco etiam familiarior vox fuit, ut in Aurelian. cap. 36. *Breve nominum conscripsit*. Et mox: *Breve legit singulis quorum nomina continebat*. Item in Bonos. in fin. *Dabit ei juxta breve infra*

frāscriptum &c. Nec infrequens in Codice : ut in *l. fin. §. 1. in fin. C. de appell.* ubi prohibetur apostolorum prolixitas, & additur: *sufficiant gestorum volumina introducta, & virorum spectabilitum breves omnia apertissime ostendere.* Eodem sensu est in *l. fin. vers. quod si semel. Cod. de fid. instr. ibi in argentariorum alijsq; brevibus.* Item in *l. 1. Cod. de apoch. publ. ibi hoc observando, ut in quadrimestribus quoq; brevibus qui ad Exc. tuæ officium diriguntur, celebrata descriptionis dispositio societur.* Et in *l. 1. C. de Exact. trib. ibi: qui à tabulario civitatis breves accipiant debitorum. l. fin. §. f. Cod. de offic. Mag. off. ibi: quadrimestribus breves scholarium conscribi volumus. l. fin. C. de conv. fisc. debit. ibi inter chartulas brevis quidam adseveratur inventus, qui nomina continebat debitorum.* Et mox: *ea quæ brevi inserta sunt.* Hinc eodem sensu breviculum, in *rubr. C. Theod. de sent. ex brevic. recit.* pro quo deinde latiniùs substitutum, *periculum. rubr. C. de sentent. ex peric. recit.* Atq; ita *Breve Apostolicum* dicimus, & in *Feudis Breve testatum.*

§. II. Apparet itaq; nomina hæc sequiore ævō incivitatē Romanam recepta, puriore verò incognita, hōcequidem sensu fuisse. Quin suspecta illa omnino videntur, & vix credibile, quod vox brevis, ut volunt, dicta fuerit, quasi brevis libellus. Itaq; tentari propè posset, breves esse vocem Germanicam, scil. *breve*/ cūm & aliās nomina exotica & barbara in u-sibus feudorum à Gothis & Longobardis, id est, Germanis ceu feudorum autoribus, tractæ sint. Sed & jam dudum duraverat inter Germanos Romanosq; commercium, & proinde cūm Germani, imprimis vetustiores, quæcunq; scriptō fierent, *Breve* vel *Bricfe* dicerent, omniaque inter utrumque populum literis ferè agi necesse esset, facile usūs frequentia eam Ro-

manis quoque familiarem reddidit. Nec alienus inde videtur fuisse Cujacius, qui *lib. 5. F. const. 9.* ait, legem Friderici de Pac. tenend à Germanis teste *Ursperg. ad ann. 1187. fol. 230. dictam fuisse Griede. Brieff / Breve pacis.* Sed & extat vox hoc sensu in Legib. antiquis Germanicis, uti in *LL. Wisigoth. lib. 5. tit. 5. cap. 3. ibi: Breve est ille qui suscepit. Capitular. lib. 3. tit. 82. ibi: Beneficia describantur in breve. & lib. 4. append. 2. t. 9. ibi: Breves detulerunt de adnunciatione &c.* Res verò eòdem recidit.

§. III. Est igitur Breve testatum, tabula seu instrumentum testandi causâ confectum; testatum enim dicitur, quod coram testibus fit, seu ubicunq; testes interveniunt: ut testatò facere, dicere *l. 4. C. de distr. pign.* unde testamenta, quia coram testibus fiunt, & testari &c. Ita res testata *Cic. 4. Verr. ut res omnium maxime clara testataq; esset.* Sic ergo & Breve testatum eà ætate erat instrumentum coram testibus confectum vel à testibus conscriptum: idemque vocatur *Instrumentum publicum. in 2. F. 2. § 25.*

§. IV. Non igitur quodvis breve probat, sed ritè & testatò confectum; Undequærun, an brevi testatò necessariò testes adhibendi sint? Quod affirm. regulariter, cum allegatio partis scripta non magis quàm asserta probet sine testibus idoneis: probaturq; per text. in *2. F. 2. 25. & 32.* nam etsi à Notario fiat, is quoq; testes rogatos adhibet, ut benè *Vultej. de feud. lib. 1. cap. 7. n. 42.* At verò si dominus ipse brevi testatò confessus fuerit, investituram v. gr. se fecisse, non videtur aliis testibus opus esse, de quo in seqq. Id tamen usu ferè obtinet, ut nomina eorum, qui actui solenni interfuerunt, ipsi instrumento inserantur; nam legi in
literis

literis investituræ ab Augusto, ultimo Administratore Magdeburgensi piiss. mem. datis circa fin. hanc formulam: Hierbey und über sind gewesen zu Gezeugen die Ehrenvesten und Hochgelahrten unsere Rätthe und liebe Getreue Gebhard von Alvensleben/ zu neuen G. Christian Wilhelm von Bartenleben zu W. und Er Jacob Unruhe/ beyder Rechts Doctor, des zu Hrfunde &c. Atque hoc etiamnum sub Regimine Sereniss. ac Potentiss. Electoris Brandenburgici in curia feudali Magdeburgensi Halæ constituta ita observatur.

§. V. Verùm an requiratur, ut testes sint pares Curia, an etiam sufficiant extranei, magis jam inter Feudorum autores disceptatum fuit. Equidem verà ratione feudali, non nisi pares curia testes esse posse verius est; tum quia breve testatū in Usibus feudorum instrumentum publicum dicitur, 2. F. 2. § 32. quale non est quod à testibus privatis tantum subscriptum est, sed quod ab ipsis curia feudalibus membris, i. e. à Paribus Curia; uti alias instrumentum publicum, quod autoritate Magistratūs vel judiciali fit, à judicio ejusve membris firmatur: & cū investitura, aliiq; actus feudales in Curia feudali fiant, uti actus judiciales in judicio, non minus illi expediri aut subscribi solent à membris seu paribus curia; quàm hi à membris judicii, quod & clarè probatur ex 2. F. 2. *vers. finem* &c. idque extensum fuit, etsi investitura ipsa coram paribus non esset facta, & dominus fateretur esse factam. 2. F. 23. *princ.* ubi in eo alii dicuntur dissensisse, quòd fatente investituram Dominò non opus sit Paribus.

§. VI. Ut ergò hujus textūs appareat sententia. notandum, duas ibi quæstiones conjungi: alteram, an inve-

investitura sine paribus curiæ fieri possit; alteram, an breve testatum? De prima quæstione statuerunt Feudistæ non valere investituram, sine Paribus Curia factam, etsi possit probari per breve testatum. *d. t. 32. pr.* quod proinde non fuit firmatum à Paribus Curia, qui nulli interfuere investituræ, sed sola subscriptione domini. Hoc verò alii negarunt, & voluerunt, dominum fatentem investituram, & ad solennia hæc tantum confugientem non esse audiendum. Hactenus igitur in *d. tit. 32. pr.* lis saltem fuit, an investitura sine paribus facta valeat Dominò per breve testatum eam fatente; quod Gerhardus & Obertus negarunt; alii affirmarunt *d. pr.* Mediolanenses verò præterea statuērunt, etiam negante Dominò sufficere probari investituram brevi testatò ab extraneis testibus subscriptò, *d. tit. 32. vers. Consules.*

§. VII. Nulla itaq; pugna est inter textus in 2. *P. 2. & 32* neque Obertus à se disidet, nam in *d. tit. 2.* dicitur, in brevi testato requiri Pares Curia, ut in investitura: sed in *d. tit. 32.* Gerhardus & Obertus cum aliis aliud tum statuunt, cum Dominus brevi testatò fatetur investituram; adeoq; casum illum excipiunt; deniq; subjicitur usus Mediolanensium peculiaris, qui pares Curia planè non requirunt.

§ VIII. Hinc solidius definiri potest quid usu obtineat. Nam, quòd hodie probetur investitura per breve testatum, etsi non subscriptum à Paribus, asserti tutò non potest, etsi id velit Vultej *d. l. 1. cap. 7. num. 42. vers. sed hac quæstio*, ubi nimis sanè generaliter ait; *hodie perinde esse, utrum testes adhibeantur, nec ne; atq; si adhibentur, perinde esse, utrum sint pares an extranei.* Nam ita quisq; vasallus privatam scripturam duobus testi-

bus

bus privatis subscriptam producens semper probare
posset investituram contra dominum negantem, quod
nec jure obrinet, nec usu; manet enim scriptura pri-
vata, nec creditur testibus privatis, nisi juratis & ritè
deponentibus; at creditur brevi, quod a Paribus ceu
membris Curiae subscriptum, adeoque instrumentum
publicum est. Dicendum igitur est, requiri regula-
riter hodieq; ut vel subscriptum sit à membris seu Pa-
ribus Curiae, vel Dominus brevi testatò fateatur inve-
stituram: uti si ipsius sigillò publicò id munitū fuerit.
Quòd verò, etsi Dominus neget, probari investitura per
testes extraneos possit, speciali usu Mediolanensiu tantum
introducūm est, quod proinde alibi non obrinet.

§. IX. Atq; id firmatur hòc ipsò, quòd Vultej. *d. l.*
porrò tradit; hodie sufficere, literas investituræ sub-
scribi & signari ab ipso Domino sigillò ipsius publicò;
Nam hoc non usu noviter introducūm, sed ipsò jure
feudali, quin communi constitutum est; id enim est,
quod in *d. tit. 32.* asseritur, probari satis investituram,
si Dominus ipse brevi testatò eam fateatur vel sub-
scriptione vel sigillò publicò. Et jure communi sigil-
lum publicum sufficere, idque usu receptum esse pro-
bat Brunnem. in *l. 11. num. 9. Cod. qui pot. in pign.* nec ita
pridem Inclyta Facultas Juridica hujus loci idem re-
spondit. Verum, ex hoc ipso quoq; patet, id tantum
obtinere de dominis qui jurisdictionem publicam ex-
ercent, privati enim nec sigilla nec fidem publicam
habent, sed subscriptione eorum opus est.

§. X. Quòd si plures sunt Domini, Senioris ple-
rumque sigillò firmari solent, ut docet Vultej. *d. n. 42.*
vers. quoniam, & rectè ait, *plerumq;* scil. Wann der El-
teste des Stammes die Lehnische Hand hat und trägt:
C hoc

hoc enim si non appareat pactō vel usu aut investiturā cautum esse, & omnes præsent territorio, omnium potius sigilla apponi solent. 2. F. 99. quod & usus docet.

§. XI. Deniq; quæritur, an breve testatum seu scriptura necessario requiratur ad perfectionem, vel solennitatem investituræ? Quod negandum est, sed tantum ad probationem, & ne ad eam quidem necessario; cum illa etiam sine scriptura & brevi testatō probari possit, scilicet per Pares Curie; 1. F. 2. 3. 4. item 2. F. 2. 32. 88. & c. Consultum tamen est, ut de investitura fiat scriptura, in qua omnia, quæ inter Dominum & vassallum acta sunt, & in specie res feudales exprimantur, earumque fines designentur, monente Vultej. d. n. 42. *vers. Quoniam autem &c.*

§. XII. Et si verò scriptura ad investituræ solenniam non pertineat, quia nec ad probationem simpliciter necessaria sit, quoniam tamen feudi jus perpetuum est, cujus tandem absque instrumento deficeret probatio, hinc potest investitus suo jure instrumentum investituræ à Domino petere, nec Dominus id denegare; per. l. 26. Cod. de lib. caus. l. 1. C. de jur. Emphyt. quod usu receptum esse testantur Wesembec. de feud. cap. 8. n. 31. Rosenth. de Feud. c. 6. concl. 67. lit. A. Vultej. d. n. 42. Soletque moribus hodiernis investitus vicissim antapocham Domino dare; Rosenthal. & Vultej. d. l. quæ scilicet proficetur, se Domino promississe fidelitatem, eique teneri ad servitium. Idem juris est in singulis feudorum renovationibus, quæ Germanis dicuntur *Muthungen* / & instrumenta in ea re facta, *Muthzettul*. Sunt verò instrumenta investituræ stricti juris: Wesemb. de feud. c. 8. in fin. & legem feudis dant, quæ inde in primis definienda sunt. Christin. Vol. 6. Dec. 86.

§. XIII.

§. XIII. Hinc sciendum quoq; est illud, si plures de eodem feudo extent investituræ inter se discrepantes, primam semper esse spectandam, quia in posterioribus censetur error commissus & continuatus, nisi inter Dominum & vasallum expressè hoc actum esse, ut per posteriores à priori recedatur, appareat, Vultej *d. c. 7. n. fin.* B. Dn. Struv. *S. 7. F. c. 1. th. 11. num. 3.* Quod tamen aliis investitura prima vocatis præjudicare nequit. Vultej *d. 1.* Ut verò omnes hac de re evitentur lites optime constitutum est à Sereniss. & Potentiss. Elect. Brandenb. in *Ordinat. Provinc. Magdeburg.* ut investiendus semper priorum investiturarum literas secum afferat, quò eadem cum Registraturis Cancellariæ conferri queant. Verba *d. Ordin. c. 8.* von denen Mann-Lehn Büchern/ §. 6. hæc sunt: Wann nun bey Uns umb Beleihung Ansuchung geschiehet/ so sollen die/so die Lehn empfangen wollen/ ihren vorigen versiegelten Lehnbrief oder Lehnsschein in unsere Magdeburgische Canzleyen mit sich bringen/ worauff Wir Uns alsdenn/ wann die vorigen Lehn-Briefe oder Lehn-Scheine mit denen Lehn-Registraturen collationiret/ und denenselben gleichlautend befunden worden/mit der Beleihung gnädigl. erzeigen &c. Ex eadem causa si plures de familia uno instrumentò ab initio sunt comprehensi, non debent deinde singulis de suis partibus pecuiliaria brevia dari, nisi ad mandatum à Serenissimo impetratum, de quo in *d. c. 8. §. 7.* sequentia leguntur: Da auch ein Geschlecht hiebevör ihre Lehn-Briefe ingesambt gehabt/ sollen in Unserer Canzleyen hinfort/ zu Verhütung allerley Weitsäufftigkeit und Neuerung/ keine besondere Lehn Briefe gemacht/ sondern allemahl die gesambten Lehn-Briefe/

wie vor Alters/ darinne doch ihre Theilung specificiret seyn soll/ ausgefertigt werden; Wolte sich aber das beliebene Geschlecht / aus erheblichen Ursachen / und zwar mit Unsern gnädigsten Consens, hiernechst vereinhahren/ daß jeder über seine Lehnstücken einen besondern Lehn-Brieff in Zukunft nehmen möge/ sollen dieselben auf unsern Befehl/ bey der Cantzley ausgefertigt werden.

CAPUT IV.

De

PROBATIONE FEUDALI PER TESTES
ET IUSJURANDUM.

SUMMARIA.

§. 1. **I**n testibus quoad probationem feudalem quam sint singularia? 2. Debent esse Pares Curia: conciliatur simul text. in l. F. 25. pr. cum text. 2. F. 33. pr. 3. Recensentur varia exceptiones. 4. Et hodie plerisq; in locis Pares amplius necessarii non sunt. 5. In probanda feloniam jure feudali quinque requiruntur testes. 6. Sed usu hodierno duos extraneos sufficere tradunt Dd. 7. Iusjurandum suppletorium tamen non admittitur, nec presumptiones nisi urgentissima. 8. Aliae autem probationes legitimae non excluduntur. 9. & 10. In praestatione iurijurandi debent adhiberi conjuratores; Unde hoc fluxerit? 11. Jurant illi de sua tantum opinione. 12. Agitur de delatione juramenti judicialis.

§. I.

Duo praeterea sunt probationum genera, in quibus jus Feudale à Communi notabiliter deflectit: testes & iusjurandum. In testibus inprimis duo iterum singularia sunt. Qualitas & Numerus. Ratione Qualitatis idonei tantum testes sunt Pares Curiae, five

sive quærat de Investitura & acquisitione Feudorum, sive de eorum amissione & deveftiundo (ut dicitur in 1. F. 7.) Vafallo propter feloniam.

§. II. Ad Investituræ non probationem tantum, sed & solennitatem requiruntur Pares Curix, nam & testes ad eam probandam idonei non sunt, nisi pares. 1. Feud. 10. 11. & 26. princ. & §. 1. item 2. F. 2. princ. & 2. F. 32. Christin. Vol. 6. Dec. 85. n. 15. & seqq. & actum illum Dominus exercet in Curia sua feudali, adeoq; Paribus, duobus saltem, præsentibus. d. 2. F. 2. 2. F. 58. §. quod autem Pares. Atq; hinc conciliantur duo pugnantes textus, in. 1. F. 25. princ. & 2. F. 33. pr. quibus agitur quæstio: An pro investitura habendum, si Dominus jufferit aliquem ire in possessionem feudi? Nam si coram Paribus Curix id actum, valet. d. tit. 33. aliàs non valet d. tit. 25. etsi possessionem nactus voluntate Domini, expelli, dum vivit, inde non possit. d. 1. Neque id tantum verum de investitura nova, sed & veteri dd. 11. Diss. Christin. d. Dec. 85. n. 22. Rosenth. de Feud. cap. 12. concl. 18. & alii decepti textu in 2. F. 32. in fin. qui agit de speciali usu Mediolanensium. Quin non tantum si lis sit inter Dominum & vafallum, sed & inter duos vafallos; cum investitura, quæ nulla est, non possit obesse alteri. Dd. comm. Diss. Rosenth. d. cap. 12. Concl. 16. n. 21. ubi tamen n. 22. faretur huic solennitati partes renunciare non posse.

§. III. Cæterum hoc ita, si Dominus habeat Pares Curix: Si enim vel alii Vafalli ejusdem Curix non sint, vel sint absentes (qui tamen citandi, & si ipse sit venturos, expectandi sunt, 2. F. 33. vers. Quod autem terminò arbitrario. Rosenth. d. Concl. 16. in f.) nihilominus investitura valet, adeoq; & tum probari quoque sine

Paribus Curia poterit. 1. F. 26. princ. 2. F. 2. pr. & §. 1. Quod & tum fieri potest, cum Pares jurare nolunt, d. 2. F. 2. in fin. pr. nec Dominus eos compellit. Rosenth. d. c. 12. Concl. 17. n. 3. Alia quoq; Exceptio est in Investitura feudorum Ecclesiasticorum, quæ & coram extraneis fieri, adeoq; & per eos probari potest. 1. F. 26. in fin. pr. Conf. 2. F. 32. pr. Denique Conivertitudine Mediolanensium specialiter receptum fuerat, quoslibet adhibere testes, non tamen fœminas: d. t. 32. in fin. nisi illustres. vid. Rosenth. d. c. 12. Concl. 18. lit. f. Vultej. lib. 2. c. 3. n. 15. Anton. d. Diss. 15. th. 5. D. Quod proinde perperam ad alia extendit. Christin. d. Dec. 85. n. 22. Plures Exceptiones affert Rosenth. d. Concl. 17. per. tot. quæ tamen ex dictis inferri ferè possunt. Sed hæc de Investitura: aliæ enim quæstiones v. gr. de agnatione Vassalli &c. etiam per alios testes, imò & fœminas probari possunt. Rosenth. d. Conc. 18. n. 4.

§. IV. Hodie verò totum hoc jus ferè immutatum est; nam in plerisq; locis ipsa quoque Parium Curia, das Mannen-Gerichte/ ab usu recessit, ejusq; locò sunt Dicasteria Statuum. Unde sequitur, nec ad solennia investituræ, nec ad probationem per testes amplius requiri Pares Curia; etiam ex ratione juris Communis, cum Pares amplius non sint regulariter: arg. 1. F. 26. princ. Dn Struv. Synt. §. F. c. 16. th. 14 unde, licet obtineant adhuc alicubi Pares Curia, vix tamen in istis quoq; locis alijs eorum usus est, quàm in judicando, ut judicium exerceant inter Dominum & Vassallum: ut ex pluribus Actis ad Fac. Jurid. Academiae Archi-Palatinae transmissis Magnif. Dn Præses observavit. In quibusdam tamen Curia requiri adhuc præsentiam 4. Conyassallorum, ait Christin. d. Dec. 85. n. 20. Et inter-

interesse actui solere quosdam ex Convassallis docet, Perill. Dn. de Rhetz ad 1. F. 26 §. 2. n. 5.

§. V. Numerus verò testium prætera auctus est in probanda feloniam, ubi 5 testes omni exceptione majores & itidem Pares Curiaë requiruntur. 2. F. 57. Christin. d. Dec. 85. n. 51. idq; in qualibet feloniam, etiam non in Dominum sed alium commissam, uti contra Schraderum meritorè probant Rosenth. d. cap. 12. Concl. 19. n. 18. Finckelth. Diss. Feud. 11. th. 12. conf. Vultej de Feud. lib. 1. cap. 11. n. 54. nec in solo petitorio, sed & possessorio; quod & ipsum contra eundem Schrader. rectè defendunt Rosenth. d. Concl. 19. n. 23. & Finckelth. d. Dissut. 11. thes. 13.

§. VI. Usu hodiernò ad probandam feloniam Pares Curiaë non amplius requiruntur, & duos hodie testes sufficere tradunt Borcholt de Feud. cap. 10. in fin. Gröenw. de legib. abr. ad 2. F. 57. Dn. Struv. d. n. 45. prout. Etsi alii insistant textui d. tit. 57. Vultej. d. cap. 16. th. 15. & judicatum fuit in Delphinatu Gvid. Pap. Dec. 180. licet Molin. dissentiat. vid. Rosenth. d. Concl. 19. n. 5.

§. VII. Id tamen servatur, ut saltem probationes sint liquidissimæ, uti in Criminalibus, adeoq; nec iurjur. suppletorium admittitur. Rosenth. d. Concl. 19. n. 76. & seqq. nec testes nisi omni exceptione majores, juxta §. præced. nec præsumptiones, etsi urgentes, nisi violentæ, ut vocantur c. 12. X. de Præsumt. nec aliæ probationes, quæ in causis quidem civilibus admitti quandoq; solent, non verò sufficiunt in criminalibus, quarum species aliquot recenset Ros. d. l. n. 78. seqq.

§. VIII. Cæterum stante quoq; autoritate. d. text. in 2. F. 57. non tamen excluduntur aliæ probationes legitimæ & plenæ: quia 5. testes tunc requiruntur, cum proba-

probatio fit per testes ; non cum aliâ viâ res constat : non enim numerus ad substantiam requiritur, sed ad probationem, quâ opus non est, si & aliunde res manifesta sit, uti si constet confessione vassalli, etiam extrajudiciali, ex instrumento publico, evidentiâ rei &c. de quibus Rosenth. *d. Concl. 19. n. 44. & seqq.* Sicut & olim ex lege Longobardorum de infidelitate pugna fiebat. 2. F. 39. §. *Non est consuetudo &c.* An autem deferre actor juramentum reo possit; de quo Rosenth. *d. Ln. 75.* deinceps apparebit. Cæterum ad convincendum incendiarium 7. testes requiruntur *in lib. 5. F. Const. 10. §. item si incendiarius.* sed & illud hodie sublatum est, & duo testes sufficiunt. Groenw. *de Legibus abr. ad d. §.*

§. IX. Superfunt denique probationes feudales per jusjur. ubi hoc inprimis singulare est, quod jus feudale, uti testium numerum in quibusdam auxit, ita & hic requisiverit quandoq; conjuratores, qui simul cum altero jurent, cum jure Communi sufficiat jusjur. unius v. g. partis. Mosiste ex Jure Canonico fluxisse videtur, quô c. 24. *caus. 17. qv. 4.* constitutum, ut, *qui Presbyterum occidisse dicitur, juret cum aliis 12.* (ridiculè legitur vulgò 72.) *& si servus sit, ut se purget super 12. vomeres ferventes :* & ille mos superstitiosus deinde damnatus, & pro tentatione Dei habitus *in c. fin. X. de Purg. vulg.* probatur autoritate Concilii Moguntinensis *in d. s. 24.*

§. X. Causa videtur, ut Clerici non tantum sanctè & innocenter viverent, sed & omnis suspicio flagitii ab iis eò longius abesset, ac penitus deleretur ; quò & rarius in Ecclesia ministrare possint, & omne scandalum in populo caveri. Hinc, si Clerici diffamari essent, debebant non tantum suo jurejur. se purgare,

gare, sed & alios conjuratores adhibere, qui dicti sunt compurgatores, sacramentales &c. c. 5. & pasf. X. de Purg. Can. & debent esse integri vitæ, scelerisq; puri, c. 9. & seqq. eod. & reum familiariter novisse c. 7. eod. Vallenf. d. tit. num. 4.

§. XI. Jurant autem de sua opinione tantum, sc. quod credant reum verè jurasse. d. c. fin. in fin. adeoq; reus iurjur. veritatis præstat, reliqui credulitatis. Vallenf. d. n. 4. Adhibentur arbitriò judicis, qui & numerum definit, ut jurent. 5. 6. 12. &c. c. 8. eod. Idq; non in omni crimine, sed graviore, & reò indicib9 sufficientibus gravatò. c. 15. eod. Atque hæc purgatio dicta fuit Canonica, olim inter Clericos tantum constituta, vid. §. 10. deinde autem etiam in foro seculari quibusdam locis recepta. Jul. Clar. §. fin. qv. 63. uti in Flandria aliisq; Damhaud. Prax. rer. crim. cap. 44. n. 6. Vallenf. d. tit. n. 6. imò in ipsa Cam. Imperiali: Ordin. Cam. p. 2. tit. 10. Gail. de P. P. c. 7. n. 12. & 14. inprimis autem in usibus Feudorum, ubi pars jurat v. gr. cum 12. Sacramentalibus & ita lis dirimitur 1. F. 10. &c. Qui ut sumantur vel è convassallis, vel è parentibus, id est, cognatis, vel extraneis, solis vel mixtis, item quando jurent de suo facto, vel de sua conscientia, sive de veritate vel credulitate, Vid. 2. F. 33. vers. Sacramentum. & quæ eruditè tractat Rosenth. de Feud. d. c. 12. Concl. 14. n. 72. & multis seqq. Unde nec modus ille indistinctè obtinet, sed tantum cum lis est inter Dominū & Vassallos, vel inter ipsos Vassallos de feudo; non quando cum extraneo, vel de re non feudali: Rosenth. d. concl. 14. n. 70. vel, ut verbò & certius definiamus, quoties obtinet forum feudale. vid. Magnif. Dn. Præf. Hypomn. feud. tit. ult. th. 8.9.

§. XII. Hoc verò juramentum purgationis est,
D quod

quod proinde ut in omnibus causis regulariter, ita & hic, & in feloniam quoque obtinet: etsi compurgatorum & Sacramentalium usus in plerisque judiciis feudalibus defuerit. Dn Struv. *d. c. 16. th. 16 n. 4* De jurejur. supplemento quoad probationem feloniam, jam dictum est *sup.* § 7. In ceteris enim causis, nisi actus solennia alia requirant, adhibetur illud ad probationem ut jure communi. Vid. Rosenth. *d. cap. 12. concl. 14. n. 97. & seqq.* De judiciali itaque videndum, an deferri possit & vim probationis habeat? Necdubitandum, in ceteris causis feudalibus illud, ut in civilibus, deferri posse, eandemque ejus deferendi & referendi potestatem esse. 2. F. 33. *pr. vers. Et cum datur.* At de feloniam dubium haut leve, an reus deferre illud Actori possit? Equidem stultitiam videretur, si reus deferret jusjur. actori, cum tutus sit & absolvatur, si actor plenè, imò per testes feloniam probare nequeat, ut dictum. Verum, cum reus tamen indicibus gravatus jure feudali purgare se deberet cum Sacramentalibus, probabilius est, si fortè ipsi difficile sit invenire compurgatores, aut malit actori juramentum deferre quàm jurare, id fieri posse: quod & docet Rosenth. *d. Concl. 19. n. 75.* nam cum transigere Vassallus de feloniam possit, etiam nihil obstat, quò minus jusjur. deferre queat, quod transactionis species est: *l. 2. ff. de jurejur.* & in eo itaque secus hic est, ac in criminalibus. At si actor reo id deferre velit, cum is gravatus aliàs non sit, adeoque se purgare non teneatur, (aliàs enim incidit in jusjur. purgationis) non sufficere id putamus ad probationem feloniam. etsi reus delatum sibi jusjur. præstare nolit, cum non sit ea probatio certissima.

RELIQVO PROBATIONUM FEUDALIUM JURE.

SUMMARIÀ.

§. I. **D**E jure Feudali quoq; aëtori incumbit Probatio. 2. Hoc fallit in probanda exceptione, & quando aëtor relevantem pro se habet præsumptionem. 3. Res in dubio præsumitur allodialis. 4. 5. 6. Hæc reg. in Usibus feudorum ambigua redditur. 7. Jure hodierno secundum eam pronunciatur. 8. Except. Nisi quis bona tanquam feudalia possidet. 9. 10. Proponitur quæstio, num bona feudo admixta habeantur pro feudilibus? 11. Affirmatur. 12. Quid accessionum s. pertinentiarum nomine veniat? 13. Feudum in dubio præsumitur proprium, & quæ inde sequantur? 14. In uno mutatum & improprium factum, in reliquis adhuc præsumitur rectum. 15. & seqq. Ventiliatur quæst. an feudum in dubio novum, an vetus intelligendum, & cui qualitatibus illius injungenda probatio. 20. &c. Cui electio jurisjur. danda sit? 23. Tractatur de variis modis probandi remissive,

§. I.

Probatio jure Feudali, perinde ac communi, incumbit aëtori; id enim naturale est. l. 10. C. de Non num. pec. l. 23. C. de Probat. sed & eadem utrobique regula est, aëto re non probante, reum absolvi. 2. F. 33. vers. Ubi nihil. Verum sæpissimè tamen reus non simpliciter absolvitur, sed præstito prius jurejur. quò se purget & ferè una cum Sacramentalibus. d. tit. 33. vid. cap. supr. th. 9.

§. II. Hæc regula fallit non tantum in exceptionibus Rei, quas ipse, quippe in iis aëtor, probat, l. 9. l. 19.

princ. ff. de Probat. l. 1. C. eod. led &, quoties præsumtio onus probandi in adversarium devolvit. *arg. l. fin. princ. ff. Quod. metus caus.* Quod tamen non fit promiscuè, imò ne regulariter quidem, cum regula sit, quòd actore non probante, (non autè probavit, qui saltem præsumtionem aliquam attulit) reus absolvi, non verò onus probandi suscipere debeat. *th. 1. supr. verùm cum vel ipsa intentio actoris fundatur in aliqua præsumptione juris; ut in l. 15. l. 16. C. de Probat. l. 3. l. 5. §. 1. l. 8. l. 9. l. 25. princ. ff. eod. vel præsumptiones vim & effectum probationis habent. ut in l. 2. §. 1 ff. de Pact.*

§. III. Atque hinc ut appareat, quid jure feudali probandum sit, sciri maxime debet, quid eò jure præsumatur. Imprimis autem Juris Feudalis Regula est, quòd bona præsumantur potius esse allodialia & Emphyteutica, quàm feudalia. *arg. l. 9. C. de Serv. & aqv. 2. F. 41. ibi: Dominò in Probatione deficiente. 2. F. 51. §. Si contentio. ibi: Si pater curtis &c. 2. F. 26. §. Inter filiam. & §. defunctò.* Atque hinc, si de eo contendant, successor allodii & agnatus, ille interim in possessionem mittitur. *d. tit. 26. §. Inter filiam. & §. Defunctò. Dn. Struv. d. cap. 16. th. 11. num. 1.*

§. IV. Verùm hujus Regulæ limites ambigui sunt, & in contrarium propè regula traditur in 2. F. 41. *princ.* Jus tale est: etsi res in dubio allodialis esse statuatur, adeoq; agnato, feudalem asserenti, incumbat probatio, *d. §. Si contentio. in fin.* si tamen agnatus deficiat in probatione, non ideò statim condemnatur ille, vel alter absolvitur; sed lis jurejur. dirimitur; hinc ergò quæritur, cui electio jurisjur. potius deferri debeat? Atq; ea in re jure feudali alterutri parti variè indulgetur, si enim heres allodii, v. g. filia cum Domino contem

contendat, ipsi filia datur conditio jurandi. *d. §. Defuncto & 2. F. 41. vers. sed si inter.* Si verò cum agnato, huic, non filia, eadem conditio defertur. *d. §. Inter filiam. 2. F. 41. princ.* Nisi filia hoc casu probationem suscipere, & aperte rem probare atq; hoc modò excludere agnatum ab optione jurandi velit: quæ est sententia *d. t. 41.*

§. V. Itaque, etsi heres allodii immunis sit ab onere probandi, & in dubio in possessionem mittatur, non tamen probatione deficiente ejus semper arbitrio jusjur. relinquatur, sed tantum quando cum Domino, non quando cum agnato committitur. *thes. 4.* Cujus rei ratio, cur minus Domino quam reliquis faveatur, in obscuro est. Vid. Bitsch. *de Feud. in d. §. Defuncto.* Vera autem hæc esse videtur; quòd obtinente Domino definit esse feudum; agnatò, manet: hoc autem favorabilius habetur ut feudum maneat, propter usum servitiorum.

§. VI. Alià ratione decisa res est, si lis sit inter emptorem feudi, asserentem esse allodium, & Dominum (*ut in 2. F. 41. in fin.*) vel Vasallum: *ut in 2. F. §. 1. §. Si contentio. vers. Et similiter.* id negantes, & feudum esse contententes: Domino enim & Vasallo probatio incumbit, esse feudum; nec tamen, si in probatione deficiant, ipsorum, sed emptoris jurijur. statur. *d. tit. 41. & d. tit. §. 1.* Cur verò adeò faveatur emptori, ut nec probare teneatur, & ipsius sit optio jurandi? Videtur id ideo, quia & allodium ipse asserit, & quasi pro allodio precium bonâ fide solvit.

§. VII. Verùm hæc ambages sublata sunt moribus nostris, & eò, qui feudum asserit, id non probante, sententia secundum allodium fertur. Atq; ita dispositum est *Decis. Elect. Sax. 37. ibi: So ist unser Will und Meinung/*

nung/ daß bey einfallenden Streit und Zweifel/ zwischen den Agnaten und Töchtern das Stück Gut/ wofern der Agnat nicht in continenti, daß es Lehn sey/ bescheinigen kan/ nicht allein vor Erbe gehalten/ sondern auch denen Töchtern vor denen Agnaten die Possess desselben eingeräumt/ sie darinne so lange biß der Lehnsfolger ein anders/ wie recht/ gnugsam ordentlicher weise aufgeführt/ geruhiglich geschützet und gelassen werden solle &c. Hinc quoque possessio, licet torte filiabus vel similibus heredibus adempta fuerit, ipsis est restituenda, uti ad Consultationem der Fürstl. Magdeb. Regierung zu Halle A. 1651. respondisse Scabinos Lipsiensis, & confirmasse JCros Jenenses, tradit Excell. Dn. Struv d. 6. 16. th. 11. n. 2.

§. VIII. Cæterum excipitur ab hac Regula, & alodium asserenti probatio incumbit, si quis bona quædam ut feudalia possidet, iisq; ut Vassallus usus est *per text. in 2. F. 2. §. 1. & 2. F. 81. arg. l. 8. §. 3. ff. Si serv. vind. H. Pistor. p. 2 qv. 39. n. 38. Carpzov. lib. 1. Resp. 82. n. 6.* Neq; pugnant duo illi textus feudales, quod *in d. tit. 2 §. 1. lis sine probatione testium per jusjur. dirimatur; in d. tit. 81. id negetur, & probatio requiratur, nec jusjur. sufficiat.* Nam in priore de probatione Vassalli agitur, quâ opus non habet, si possidet, sed jurejur. se purgabit: in altero verò, de probatione Domini, quæ omnino necessaria, nec ejus jusjur. sufficit; at, si deficiat ejus probatio, Vassallus jurabit.

§. IX. Alia quoq; Exceptio est, sed valde agitata; quæritur enim, si bona quædam feudo conjuncta sint atq; cohæreant, num illa pro feudalibus habenda sint? Affirmant Berlich. p. 2. Dec. 178. n. 6. & ab eo alleg. Colerus, Scharderus, Cravetta &c. & secundum id pronuncia-

nunciatum est in Judicio Appellationum Elect. Sax. A. 1627 & in Curia Lipsiensi Provinciali An. 625 Berlich. *d. Dec. 178. n. 12.* Carpz. *d. Resp. 82. n. 9. & 10.* & denuo in eadem Curia An. 16. 6 in leuteratione. Berlich. *d. l. n. 15.* & Carpz. *d. l. n. 10.* sic denique etiam Responsum est à JCtis Lipsiensibus An. 1634 Berlich. *d. l. n. 15.* Carpz. *d. l. n. 11.* Dn. Struv. *d. cap. 16. th. 1. num. 4.*

§. X. At his omnibus non obstantibus contrarium in eadem causa amplecti mutatâ priore sententiâ non dubitavit idem Judicium Appellat. An. 1624. ut testantur Carpz. *d. Resp. 82. n. 17.* Dn. Struv. *d. th. 11. n. 6.* qui & hanc posteriorem sententiam sequuntur. *dd. ll.*

§. XI. Nos verò priorem sententiam præferimus, in dubio res feudo conjunctas censi porius feudales. Quæ sequitur *ex thes. 8. sup.* quia, qui rem feudo suo conjunctam & coherentem possidet, eam ut feudi sui accessionem possidet, adeoq; ut feudalem; cum accessiones feudi feudales sint; & rei partes atq; accessiones ejusdem juris qualitatisq; habeantur ac res, cui cedunt, vel cujus sunt partes. Quin vel sunt res feudo in perpetuum affixæ, & illæ veræ sunt feudi accessiones, & indubiè feudales: vel sunt bona immobilia, intra fines feudi sita, & ea quoq; intelliguntur esse feudi, uti quæ intra fines territorii sita sunt, territorii: Gail. 2. *Obs. 69. n. 6.* vel extra fines quidem ac vicina aut mobilia non affixa, sed pro accessionibus feudi habita atq; possessa, (alioquin enim ex sola vicina & mobiliū illatione concedimus non posse inferri, esse feudalialia,) & tunc possidentur ut feudalialia, adeoq; onus probandi possessori non incumbit. *per. th. 8. sup. conf. 2. F. 41 in fin. ibi: ut si magna pars quæ vasallus ibi tenebat feudum sit.* Hoc tumentur Dd. allegati *supr. thes. 9.* & præterea Gail. *d. Obs.*

d. Obs. 62. n. 6. & seqq. Rosenth. d. cap. 12. concl. 15. *Cubi nimis tamen fluctuat, &c.* quod & probatum & confirmatum est in der Churfl. Brandenburg. im. Herzogthumb Magdeburg publicirten Policey-Ordn. Cap. 8. von denen Manns-Lehn Gütern §. 35. Da über ein Stück Guts / welches mit dem Ritter-Lehn notorisch vermenget / und in andern Lehnsfällen als ein Corpus bey dem Lehn gelassen / und denen Lehnsfolgern zugleich abgefolget wäre / Streit vorfiele / ob es Lehen oder Erbe ? soll denen Lehnsfolgern die Possess desselben so lange adjudicirt werden / biß die Land-Erbengualitatem *allodiale* erwiesen.

§. XII Alia verò quæstio est, quid accessionum, seu, ut vocant, pertinentiarum nomine veniat, & quomodo illæ probentur? Quam rem itidem non satis definit Rosenth. d. c. 12. concl. 15. n. 26. & seqq. ubi latè de eo tractat. Dependet verò decisio à natura pertinentiarum: vel enim res immobiliè feudo affixa est seu cohæret, & in dubio pro ejus accessione habenda est; vel non ita cohæret, & non erit feudi accessio, etsi in eo posita sit, nisi probetur, ad ejus perpetuum usum paratam positamq; ibi esse. l. 13. §. 7. ff. de Act. Emt. vid. Magnif. Dn. Præf. jur. Publ. prud. c. 27. §. 18. & seqq.

§. XIII. Porro ad qualitatem feudi probandam pertinet inprimis regula; Quòd in dubio feudum proprium seu rectum censerì debeat, non improprium. 1. F. 1. §. 3. & 1. F. 4. §. 3. 4. & 2. F. 2. §. f. Hoc vix quisquam negaverit, cum perpetuò jure præsumatur propria cujusq; rei natura, donec ea mutata probetur: idque latè patet: Hinc enim sequitur, in dubio intelligi feudum ex pacto & providentia, non hereditarium. H. Pift. lib. 2. qu. 1. n. 75. & seqq. Et perperam planè arbitrat^{ur} Gothofr. Anton. Diss. Feud. 10. th. 7. lit. D. id verum esse

esse de consuetudine Germaniæ, aliud verò ex jure dicendum esse. Quin res inverti potius deberet, & dici, usu Germaniæ ex sententia Pileanorum falsum id esse, jure communi verum. vid. omninò Magnif. Dn. Præs. *Hypomn. Feud. tit. 2. th. 25. & seqq.* Sic in dubio feudum non præsumitur esse fœmineum, 1. F. 1. §. 3. nec francum, arg. 2. F. 23. in fin. & 2. F. 76. nec censiticum, arg. 1. F. 27. princ. nec temporarium & morte desinens; adeoq; nec Gvardiæ, Gastaldiæ, aut officio cohærens, 1. F. 4. §. 3. & 2. F. 81. & sic de cæteris.

§. XIV. Et adeò inhærendum est huic regulæ, ut, licet in una re alterata sit feudi natura, & improprium id factum, in cæteris tamen adhuc præsumatur esse proprium. 2. F. 48. Vult. de Feud. lib. 1. c. 8. n. 53. Hinc etsi hereditarium sit, in dubio tamen intelligitur mixtum; si fœmine succedant, non tamen extantibus masculis: si sit temporariū, non tamen francum: si francum vel ecclesiasticum, adhuc exclusæ in dubio intelliguntur fœminæ &c. quæ hinc satis plana sunt.

§. XV. At alia succedit de probatione feudali quæstio longè vexatissima; An feudum in dubio novum, an antiquum intelligi debeat? Quæ eò diligentius tractanda est, quò majoris momenti effectus inde sequuntur. Dd. var. è. Alii antiquum, alii novum alii neutrum præsumunt; alii, dependere id ex probationibus factis, quibus deficientibus, ab utraq; parte jurej. delatò litem dirimendam esse. vid. Fachin. lib. 7. qu. 59. Gothof. Ant. d. Diss. 15. th. 7. lit. B. Sed duæ posteriores non definiunt, vel non satis definiunt quod dubium est, & in quo scrupulus hæret, scil. cui probatio competat si agnatus antiquum. Dominus novum esse contendat.

§. XVI. Id itaq; & primum quid juri Feudali conveniens

E

veniens

veniens sit expediemus. Verum autem in primis videtur, nec vetus, nec novum præsumi: Utrumque enim æquè incertum, & facti est: Dominus, qui novum dicit, se primum suo beneficiò & ex sua liberalitate id Vasallo concessisse ait; quod planè facti & probandum est; cum actus liberalitatis & beneficii concessio non præsumatur. Agnatus contra, qui antiquum asserit, plures investituras factas & majores ipsius investitos fuisse, adeoque læpius aliquid factum fuisse contendit, quæ facta omninò probanda: quin, non potest præsumi præcessisse investituras & fuisse feudum, cum præsumatur allodium fuisse, non feudum *per th. 3. supr.* quæ fuit quoque ratio Jason ap Cravett. *de antiq. temp. P. 5. n. 4.*

§. XVII. Cessante itaque præsumptione, quæ onus probandi ab actore transferebat, redit & obtrinet jus ordinarium, quòd probatio incumbat actori, nisi alia præsumtio juris onus illud in alterum transferat. Id porro probatur *ex 2. F. 11. in fin.* ubi cum dixisset Feudista, *onus probandi incumbere ei, qui novum dicit;* deinde subjungit, *aliter pronunciatum esse,* sc. probationem non esse ejus, qui novum dicit; sed nec ejus, qui antiquum asserit, sed judici dispiciendum, cui onus hoc incumbat. Item *ex 2. F. 15. vers. item placet.* ubi exerte dicitur: *non semper probandum esse antiquum, sed & esse novum.* Denique clarissimè in *2. F. 33. vers. Sacramentum.* dicitur; *Sacramentum quandoque possidenti, quandoque petenti, quandoque neutri dari, prout aliquid pro alterutro sit, quod judicem moveat;* quod secus esset, si vel antiquum vel novum esse præsumeretur, adeoque is, qui, quod præsumitur, assereret, semper liberaretur ab onere probandi. Sed longè clarissimū id fiet ex sequenti evolutione textuum.

§. XVIII. Ex iis enim apparebit, in hac lite, antiquum

quum sit feudum an novum, probationem, juxta regulam §. 1. traditam, incumbere actori, non possessori, vel ei, qui instar possessoris videri possit. Pro possessore verò quis hic habetur 4. modis: 1. Cum totū feudum possidet: 2. Cum feudi ejus, quod controversum est, partem possidet; uti, si duo fratres divisum feudū habent, & unō fratrum mortuō, de ejus parte lis inter Dominum & superstitem fratrem oritur, sufficit enim, quod frater alteram partem possidet. 1. F. 4. §. 7. *ibi: Si fuerit in possessione medietatis vel alicujus partis.* & 1. F. 12. *ibi: Partem meam sive possideo &c. licet non possideam portionem fratris mei.* 3. Cum frater partem illam suam non quidem amplius habet, habuit tamen & alienavit, quia tunc is possidet, qui causam ab ipso fratre habet. 1. F. 12. *ibi: sive alienavi.* 4. Cum ne habuit quidem, sed habiturus esset, & ejus locō partem allodii accepit, quia jure surrogationis feudum habere videtur. 1. F. 4. *ibi: vel cambium proprietatis nomine illius feudi habuerit.*

§. XIX. Igitur si I. his modis agnatus possidet vel possedit, non ille, sed Dominus probat, feudum novum esse: Si II. è contrario Dominus ita rem, vel ejus partem, vel aliud pro ea possidet aut possedit, non ille, sed agnatus probabit, antiquum esse: quod primum in genere traditur in 2. F. 15. *vers. item* & 2. F. 11. *in fin.* (ubi modò domino, modò agnato probatio injungitur) sed restringitur in 1. F. 4. §. 2. ubi Vassallus obtinet, si vel prædictis modis possidet, vel probat; adeoq; vassallo, non nisi prædictis modis non possidet, incumbit probatio; aliàs ergò Domino: idemq; clarè statuitur 1. F. 12. *in f. ibi: nisi Vassallus probet paternum fuisse vel possideat, Dominus obtinebit.* III. Si neuter aliquò memoratorum 4. modorum possideat, uterq; instar actoris erit, & utri-

usq; audietur probatio, sed interim agnatus in possessionem mittetur; 2. F. 26. *princ.* adeoq; hæcenus iterum causa agnati favorabilior est contra Dominum, ut, si neuter possideat, uterq; quidem probet, *d. pr. ibi: utroq; in probatione deficiente.* 2. F. 11. *in fin. ibi: Utrq; in probatione deficiente.* sed agnatus interim mittatur in possessionem; eadem ratione, quam dedimus *supr. th. 5.* quia vasallò possidente continuatur ratio feudi; Dominò, cessat interim ac desinit.

§. XX. Hæc hæcenus itaq; de probatione plana sunt; superest verò, ut videamus, deficiente probatione cujus sit optio jurandi, cum plerumq; ut supra dictum, reus non absolvatur simpliciter, sed jurandum sit. *sup. th. 1.* Verùm & illud ex traditis sequitur: Nam eò, cujus est probatio, in ea deficiente, jusjur. defertur parti ipsius adversæ, quæ alterò non probante absolvenda fuerat: uti traditur *in 2. F. 33. vers. Sacramentum. ibi: Ubi nihil est, quod faciat pro aliquo eorum, (domino vel agnato) præter solam possessionem s tunc aut possidenti.* cujus non erat probatio, sed qui absolvendus erat) *dabitur Sacramentum &c.* It *in 1. F. 10.* ubi, si vasallus possidet, vasalli; si Dominus, Domini jurijur. statur; possessoris enim probatio non est, sed adversarij. Atq; hinc *in 2. F. 15. vers. item placet* ubi Domini erat probatio, agnatus jurat; ut & *in 1. F. 12. in pr.* vasallo, si instar possessoris, conditio jurandi defertur. Contrà *in cod. tit. 12. vers. Si verò.* domino ea defertur *propter supra dictam rationem;* id est, si ipse ita sit instar possessoris, ut in priore membro vasallus. Excipitur Casus singularis *in 1. F. 10.* ubi Domino indistinctè jusjur. conceditur.

§. XXI Si verò neuter possidet, adeoq; utriusque probatio est, utroq; in ea deficiente, jusjur. neq; vasallo neque

neq; Domino necessariò defertur. 1. F. 11. *ibi: nec mihi nec Domino dabitur jusjur.* sed judex causâ cognitâ (1.) statuit cujus causa potior ac justior videatur, & illi jusjur. defert. 2. F. 33. §. *Sacramentum. ibi: cum alicui horum datur jusjur. ita demum datur, si aliquid pro eo sit, quod judicem moveat.* Fit verò & possidentis ibi mentio, quia & possessio inter ea est, quæ judicem movent, ut mox ibid. sequitur *in vers. ubi nihil.* Idem brevius dicitur *in 2. F. 11. in fin.* eoq; pertinent verba *in 1. F. 12. nisi propter supra dictam rationem* (scil. si vel possessio vel justior causâ judicem moveant) & *in 2. F. 15. vers. item ibi: causâ cognitâ.* (2.) Si neutra causa potior vel equior, sed utrinque par visâ fuerit, potius defertur agnato quàm Domino, ob causam §. 20. *supr.* allatam: idq; probatur *ex 2. F. 26. princ.* sed & eòdem referri possunt d. verba: *Causâ cognitâ, in 2. F. 15.* & de eodem casu, quò nec Vassallus justiore causâ habet, sed illa utrinque par est, loquitur textus, 1. F. 4. §. 2. *in verbis: Si vero probare non potuerit dictò modò.* tum quia generalis videtur, adeoq; ex reliquis restringendus; tum, quia casus ibi proponitur, quò omnes rationes justioris causæ primum vassallo tribuuntur, deinde ab eo removentur, adeoq; iis remotis in nullo sunt, sed utriusque par causa. (3.) Si actor, cujus probatio erat, ita in eo defecerit, ut nec probabilis ejus causa videatur, nec ulla contra reum possidentem præsumptio, hic absq; jurejur. absoluitur. 2. F. 33. *vers. ubi verò.* Conf. Magnif. Dn. Præs. Hypomn. *Jur Feud. tit. 2. th. 5.*

§. XXII. Ita explanatâ omni difficultate, nsu fori id quidem mutatum est, ne teneatur reus, actore in probatione deficiente, sc. jurej. purgare, nisi tales contra eum pugnent præsumptiones, quæ alias in causis quoque civilibus juramento

38 *Cap V. De Reliquo Probationum Feudalium jure.*
 purgationis locum faciunt; vid *Const. Elect. Sax. 22. part. 1. ibiq.*
Carpzov. Def. 13. & seqq. Et in primis illud pro obtinenda igno-
 rantia injungi potest, secundum *Ordin. Proc. Ducat. Magdeb. c.*
39. Vom Eyde in Supplementum, purgationis &c. §. 2. ibi: Es soll
aber zu derer Cansler und Rärhe rechtlichen Ermäßigung
stehen/ ob dem Kläger oder dem Beklagten/ wann sie sich
gleich darzu nicht anerbotten/ solcher Eyd (sc. in supplemen-
tum, de quo in præc. §. 1.) oder auch pro obtinenda ignorantia,
das juramentum purgationis, litis decidendæ causâ auffzuer-
legen sey. Cæterum quod dictum est *eb. 16. id defendunt quoq;*
Doctiss. J. Cti. Alciat. Tr. de Præsumt. reg. 3. Præsumt. 28. (ubi
quidem ait, præsumi antiquum, sed deinde ita eam sententiam
coërcet, ut cum hoc fundamento coincidat) Cravett. de Antiq.
temp. part. 5. n. 6. qui & alios allegat. Et si verò Joh. Thom. de
Marin. de diff. feud. tit. 1. n. 32. pro antiquo decisum in Conf.
Neapol. apud Dn. Struv. cap. 16. 1b. 12. n. 2. dicat, tamen contra-
rium docet Matth. de Afflict. ad Const. Neapol. p. 2. rubr. 24. n. 5.
ut & ibi res indecisa, & juri communi relinqvenda sit.

§. XXIII. Plurima alia tractari hanc in rem possent, sed,
 cum illa potius ad Jus Civile pertineant, & ex eo solo ferè de-
 cidenda sint, eorum tractatus fines instituti nostri nimium
 excederet. Quod etiam pertinet tractatus de modis proban-
 di perevidentiam rei, usum, morem regionis, famam, ratio-
 nes publicas, catastra, aliisque, de quibus Rosenth. *d. cap. 12.*

Concl. 14. & 15. Gothofr. Anton. d. Diss 15. ebef. 7. lit. G. &

seqq. agunt, at nihil speciatim jure feu-
dali proditum mutatumq; est.

T A N T U M.



ANT 4318159